



REPUBLIKA E SHQIPËRISË

KUVENDI

GRUPI PARLAMENTAR I PARTISË SOCIALISTE



*Shërbimi i Sekretarit  
30/11/2023*

Nr. \_\_\_\_\_ prot.

Tiranë, më \_\_\_ / \_\_\_ / 2023

**Lënda:** Depozitim projektligji.

**Drejtuar:** Znj. Lindita NIKOLLA  
Kryetare e Kuvendit të Shqipërisë

*E nderuar Znj. Kryetare,*

Bazuar në nenin 81 pika 1 të Kushtetutës të Republikës së Shqipërisë dhe nenin 68 të Rregullores së Kuvendit, Ju paraqes projektligjin **“Për disa shtesa dhe ndryshime në ligjin nr.8891/2002 “Për organizimin dhe funksionimin e Komisioneve Hetimorë të Kuvendit”**.

Ju faleminderit.

**DEPUTETI PROPOZUES**

*Ezmonela Valikaj (Felix)*



REPUBLIKA E SHQIPËRISË

KUVENDI

PROJEKTLIGJ

Nr.     datë /2023

**“Për disa shtesa dhe ndryshime në ligjin Nr.8891, datë 02.05.2002 “Për organizimin dhe funksionimin e komisioneve hetimore të Kuvendit”**

Në mbështetje të neneve 78 dhe 81 të Kushtetutës, me propozimin e deputetes ...

**KUVENDI I REPUBLIKËS SË SHQIPËRISË**

**VENDOSI:**

Në ligjin Nr.8891, datë 02.05.2002 “Për organizimin dhe funksionimin e komisioneve hetimore të Kuvendit”, të bëhen shtesat dhe ndryshimet si më poshtë vijon;

**Neni 1**

Në nenin 2 të ligjit, bëhen ndryshimet, si më poshtë vijon;

Pika 1 nenit 2 të ligjit, ndryshohet ;

1. “Komision hetimor” është komisioni i ngritur sipas nenit 77.2 të Kushtetutës së Republikës së Shqipërisë dhe që vepron sipas procedurës së parashikuar me ligj .

Pas pikës 1, si më lart, shtohet pika 1.1 me këtë përmbajtje;

1.1 “Çështje e veçantë” janë ato çështje që hetohen në aspektin e kontrollit dhe zbatimit të ligjeve, të njohjes dhe verifikimit në thellësi të një fenomeni, ngjarje a veprimtarie dhe që nxisin iniciativa për propozime , amendime apo miratime ligjesh, me qëllim parandalimin e fenomeneve negative për shoqërinë dhe shtetin si dhe nxjerrjen e përgjegjësive institucionale.

Ndryshohet pika 6 e nenit 2;

6. “ekspert ligjor”, është personi me njohuri të konsoliduara në fushën e hetimit, që zgjidhet dhe shkarkohet me një shumicë prej 2/3 të antarëve të komisionit.

## Neni 2

Pika 1 e nenit 3, ndryshohet si më poshtë vijon:

1. Komisionet hetimore të Kuvendit krijohen për të hetuar çështje të veçanta, sipas nenit 77 pika 2 të Kushtetutës. Komisionet hetimore janë mjet efektiv kontrolli që veprojnë vetëm brenda hapësirës kontrolluese të parlamentit e të lidhura në mënyrë funksionale me pushtetin e ligjvënësit.

## Neni 3

Ndryshohet neni 4 i ligjit;

1. Komisionet hetimore të Kuvendit ngrihen dhe funksionojnë mbi bazën e parimeve kushtetuese dhe rregullave të përcaktuara në këtë ligj, si më poshtë vijon:
  - a) Parimi i ndarjes dhe balancimit të pushteteve
  - b) Parimi për një proces të rregullt ligjor
  - c) Parimi i prezumimit të pafajësisë
  - d) Parimi i paanshmërisë dhe respektimi të jetës private të individit.
2. Hiqet shprehja në fund të pikës 2, “ **për aq sa ky ligj nuk parashikon ndryshe**”
3. Hiqet pika 4 nga përmbajtja dhe pikat në vijim rinumërtohen
4. Në pikën 5 dhe kudo në ligj, pas fjalës “**Prokuror i Përgjithshëm**”, shtohet fjala “/**Drejtues i SPAK**”

#### Neni 4

Fjalja e tretë e pikës 1 të nenit 5, riformulohet.

1. Kuvendi është i detyruar të miratojë ngritjen e komisionit, kur objekti i hetimit respekton parimet dhe standartet kushtetuese, si më poshtë:

- a) Çështja duhet të ketë të bëjë me funksionin ligjvënës dhe funksione të tjera të Kuvendit
- b) Objekti i hetimit duhet të fokusohet në çështje ose në subjekte konkrete
- c) Duhet të ekzistojnë të dhëna ose indicie të mjaftueshme, për ekzistencën e çështjes për të cilin kërkohet ngritja e komisionit hetimor

#### Neni 5

Në nenin 7 të ligjit dhe kudo në ligj, zëvendësohet “Byroja e Kuvendit” me “Konferenca e Kryetarëve”

#### Neni 6

Në pikën 4 të nenit 9 të ligjit dhe kudo në ligj, zëvendësohet “Byroja e Kuvendit” me “Konferencën e Kryetarëve”

#### Neni 7

Në pikën 1 të nenit 12 të ligjit, hiqet shprehja “dhe/ose me autorizim të tij” duke u zëvendësuar me shprehjen “dhe në mungesë ose pamundësi të tij”.

Në fund të pikës 2, të nenit 12 shtohet fjalia :

Drejtuesi i mbedhjes së komisionit zbaton rregullat për masat disiplinore, të parashikuara në Rregullore dhe Kodin e Sjelljes së Deputetëve.

#### **Pika 3 e nenit 12, propozohet të riformulohet;**

3. Mbledhjet e komisionit si rregull janë të hapura. Komisioni hetimor me vendim të ndërmjetëm përjashton publikun nga mbledhjet e tij, nëse;

- a) Duhet t’i referohen fakteve që kanë të bëjnë me jetën personale të dëshmitarëve ose të palëve të treta
- b) Kur rrezikohet jeta, shëndeti dhe liria e dëshmitarit ose personit të lidhur me të
- c) Kur bëhen referenca për një sekret biznesi ose tregtar, informacion të klasifikuar si “sekret”.
- d) kur publiciteti mund të sjellë përhapjen e të dhënave që duhet të mbahen sekret në interes

të shtetit,

#### **varianti2**

- a) kur publiciteti mund të dëmtojë moralin shoqëror osë mund të sjellë përhapjen e të dhënave që duhet të mbahen sekret në interes të shtetit, nëqoftëse një gjë e tillë, kërkohet nga organi kompetent.
- b) Kur nga ana e publikut ka shfaqje që prishin zhvillimin e rregullt të seancës
- c) Kur është e nevojshme të mbrohet siguria e dëshmitarëve ose kur gjykohet e nevojshme nga komisioni.

Propozohet të shtohet një pkë 3.1 në nenin 12 të ligjit, me këtë përmbatje;

3.1 Kryetari i Komisionit, informon personat që marrin pjesë në mbledhje të zhvilluar me dyer të mbyllura për detyrimin që kanë për të mbajtur konfidencial, informacionin e mësuar në seancë.

#### **Neni 8**

Pika 4 e nenit 13 riformulohet dhe shtohet një pikë 5.

4. “Vendimarrja e lidhur me provat , realizohet me vendim të ndërmjetëm dhe si e tillë ajo i nënshtrohet shumicës që kërkon kjo lloj vendimarrje”.
5. “Kërkesa për pyetjen e dëshmitarëve ose marrjen e provave të tjera, pasi që ka filluar shqyrtimi, mund të ngrihet nga cdo anëtar komisioni dhe pranohet me vendim të ndërmjetëm të komisionit. Hetimi fillon me marrjen e provave të kërkuara nga grupi nismëtar i komisionit dhe vazhdon me marrjen e provave që kërkohen nga grupimi tjetër, jonismëtar”.

#### **Neni 9**

Pika 1, 2 dhe pika 3 e nenit 15 të ligjit, riformulohen ;

1. “Pas njohjes me objektin e çështjes që do të hetohet, komisioni nëpërmjet ekspertit/ekspertëve ligjorë, të zgjedhur nga 2/3 e antarëve të komisionit , mbledh të dhëna për çështjen. Të dhënat mund të jenë informacione zyrtare dhe jozyrtare, por që njihen publikisht”.
2. [”Ekspertët ligjorë, ia raportojnë gjetjet e tyre me shkrim dhe verbalisht, Komisionit si dhe propozojnë planin e hetimeve. Ekspertët ligjorë, ndalohen të bëjnë deklaratata publike mbi gjetjet”.

Në pikën 3 të nenit 15, pas shprehjes “ **...për çështjen...**”, shtohet nga “**...ekspertët ligjorë...**”, dhe pas fjalës “planin e hetimeve” shtohet “ **...sipas propozimeve të tyre...**”.

## Neni 10

Pas pikës 1 të nenit 16, shtohen pikat;

- 1.1. “Dëshmitari nuk duhet të dëshmojë për çka flitet në publik dhe as të shprehë vlerësime personale, me përjashtim të rasteve kur ato nuk mund të ndahen nga dëshmia për faktet”.
- 1.2. “Për pyetjen si dëshmitarë të personave që janë thirrur ose ose do të thirren nga organi i prokurorisë/gjykatës për procesin penal të lidhur eventualisht me çështjen objekt hetimi, Komisioni merr leje paraprakisht nga prokuroria ose gjykata ku ndodhen aktet për objektin dhe kufijtë e dëshmisë”.

Pas pikës 2 të nenit 16, shtohen:

- 2.1 “Pyetja e dëshmitarëve si rregull, bëhet individualisht dhe pa praninë e dëshmitarëve të tjerë që do të pyeten më vonë”.
- 2.2 “Çdo dëshmitar, përpara se të pyetet, informohet për çështjen për të cilën i kërkohet të dëshmojë, për të drejtat e tij ligjore dhe për pasojat ligjore të mosparaqitjes”.
- 2.3 “Dëshmitarët kanë të drejtë të kërkojnë ndihmën e një mbrojtësi ligjor të zgjedhur prej tyre për seancën dëgjimore”.  
Çdo dëshmitari i jepet mundësia e një deklarate paraprake të kontekstualizuar lidhur me objektin e pyetjes.
- 2.4 “Dëshmitarët mund të refuzojnë të japin informacion në përgjigje të pyetjeve që ju drejtohen, nëse përgjigja e këtyre pyetjeve do i ekspozonte ata ose personat e lidhur me to, ndaj rrezikut të hetimit sipas një procesi të rregullt ligjor”
- 2.5. “Pyetja e çdo dëshmitari respekton për aq sa është e mundur rregullat e parashikuara në nenin 95 të Rregullores së Kuvendit”.

## Neni 11

Hiqet pika 2 e nenit 24 të ligjit.

## Neni 12

Ky ligj hyn në fuqi 15 ditë pas botimit në Fletoren Zyrtare.

**Miratuar më ..././2023**

**KRYETARE  
LINDITA NIKOLLA**